



Titulli i projektit

Festat Dibrane

Tipi i projektit

Zhvillim ekonomik

Vendndodhja e projektit

Zona Funksionale Dibër

Buxheti i paravlerësuar

50,000 Euro

Përshkrimi dhe analiza e problemit/eve

Zona e Dibrës është e pasur me resurse natyrore, historike, tradicionale për zhvillimin e turizmit. Deri më sot shumë pak është bërë për promovimin dhe nxitjen e turizmit, pasi mungojnë aktivitetet festive që nxisin dhe promovojnë vlerat kulturore, historike, bukuritë e natyrës dhe turizmin në tërësi.

Janë disa festa dhe evente të rëndësishme tradicionale në Dibër që nxisin zhvillimin e turizmit, por ato janë sporadike, të paorganizuar, jo-profesionale dhe të mbetura në dëshirë dhe nismë të disa individëve apo organizatave, si pjesë e pasionit të tyre, apo programeve që ato kanë. Përmendim këtu festivalin e "Odës Dibrane", që është event i folklorik më i madhi me pjesëmarrje nga e gjithë treva shqiptare, "Festa e të Vjelave", ku organizohet panairi i prodhimeve dibrane, festat popullore, si "Dita e Verës", "Shën Gjergji", "Shën Kolli" (që festohet në Lurë dhe Selishtë), "Festa e Drinit", etj.

Edhe pse janë të paorganizuar mirë, pa dekor, të papromovuara, pa ndonjë strukturim programacioni dhe aktivitetesh, gjatë këtyre festave ka shumë lëvizje dhe ato janë tipike për komunitetin dhe zonën e Dibrës, duke ruajtur vlerat tradicionale që në kohët pagane dhe deri me sot. Edhe nga studimi i FAP për zonën e Dibrës, në pjesën e analizës së zhvillimit të turizmit, organizimi i eventeve festive është një prioritet i dalë nga diskutimet me grupet e fokusuar dhe me Forumin.

Objekti i përgjithshëm: Rritja e të ardhurave të familjeve dibrane nga turizmi.


Objekti i specifik: Promovimi dhe nxitja e zhvillimit të turizmit në Dibër, nëpërmjet mbështetjes dhe organizimit të festave tradicionale dibrane, duke promovuar dhe krijuar programin vjetor të festave duke filluar nga viti 2015 dhe në vazhdim.

Qëllimi/et specifik të projektit

Rezultatet e pritshme dhe treguesit

Rezultati i pritshëm 1: Bashkia e Dibrës ka një strukturë të ngritur dhe të institucionalizuar për organizimin e festave.

Rezultati i pritshëm 2: Të paktën 8000 vizitorë ndjekin çdo vit festat tradicionale të Dibrës, të organizuar nga Bashkia. Kjo e fundit ka vënë në dispozicion burimet e duhura njerëzore, logjistikën e duhur, marketingun e duhur dhe ka krijuar kushtet që çdo gjë të jetë e programuar me evente të larmishme.



Aktivitetet e projektit

- 1 Ngritja e strukturës
- 2 Organizimi i ditës së Verës
- 3 Organizimi i Shëngjergjit në të gjithë Dibrën, por qendra në Arras-Sinë.
- 4 Organizimi i festës së Shënkollit në Lurë dhe Selishtë
- 5 Organizimi i festës së Drinit në gjithë territorin e lumit, por qendra në Muhurr.
- 6 Organizimi i festës së Maleve/bjeshkëve në çdo territor me bjeshkë, por qendra të jetë në Kala të Dodës
- 7 Organizimi i festës së të Vjelave në Peshkopi.
- 8 Festivali i Odës Dibrane

Maturimi i projektit

Projekti është në fazën e projekt-idesë. Organizimi i festave është pjesë e strukturës dhe traditave të disa njërive vendore, si për shembull Oda Dibrane që është pjesë e qendrës së Kulturës "Haki Stërmilli" (Bashkia Peshkopi). Festa e Drinit ka qenë organizuar nga komuna Muhurr dhe Festa e të Vjelave është nismë e e shoqatave dhe Drejtorisë së Bujqësisë. Bashkia është përgjegjëse për organizimin e këtyre eventeve dhe do të bashkëpunojë ngushtë me OJF dhe sektorin privat.

Burimet e financimit dhe partnerët në zbatim

Burimet e financimit do të gjenerohen nga buxheti i bashkisë. Për festa të ndryshme mund të angazhohen dhe aktorë dhe sponsorë të ndryshëm, si OJF që kanë programe në Dibër, Drejtoria e Bujqësisë dhe bankat, apo bizneset që janë të interesuara për sponsorizime.

Kostot e projektit

Për çdo organizim feste nevojiten 5000 Euro, pra janë 7 festa x 5000Euro = 35,000 Euro. Festivali i Odës Dibrane kushton 15,000 Euro, duke shkuar në një kosto totale prej 50,000 Euro për organizimin e festave.